

松溪縣志卷之四

祀典志

禘嘗郊社之既明治國即同於指掌漢文宣室受釐之問所以必待賈生乎夫禦災捍患迨於勤事之隆法施之善彰彰祀典咸屬王章後世媚於滯昏祭非其鬼滇黔閩廣之俗豈特如吳楚相沿千七百所而已哉惜乎其未有以先王之道詔之者拱辰自服官以來牲牢之所將粢盛之所奉自社稷山川祀典應祭而外稍涉忽荒槩從毀撤若其墟墓之荒煙蔓草

松溪縣志

卷之四

祀典志

義塚之落日斜陽蒼莽淒迷誠為可憫司民社者附而列焉以通幽也志祀典第四

壇壝

社稷壇 在縣治城北門外宋時建明洪武二年

重造壇制北向東西南北各三丈五尺高三尺四寸出陛各三級以垣繚之每歲春秋二仲月上戊

日祭祀

石主 長二尺五寸埋於壇南正中去壇一尺五寸止露其尖餘埋土中

神牌二高二尺二寸濶四寸五分厚九分座高四寸五分濶八寸五分厚四寸五分其神號一曰縣社之神一曰縣稷之神

神厨三間

神庫

神房

祭器 牲匣四祝案一香案二爵帛案一酒尊案一酒尊三爵六鋤一邊四豆四簋二簋二盥洗罇

松溪縣志

卷之四

祀典志

二

祭物 羊二豕二帛一長一丈八尺黑色棗栗菱芡鹽藁魚菁俎韭俎醢醢鹿醢黍稷稻粱和羹

祝文

依儀注式

風雲雷雨山川壇 在縣治城東門外宋時附祭社稷壇明洪武九年始分建於今所

壇制陳設與社稷同祭期亦同

神位三中日風雲雷雨之神左日本縣境內山川之神右日本縣城隍之神

祭物 羊二豕三鬯七白也餘與社稷同

祝文 依儀注式

邑厲壇 在縣治北門外地名棗嶺明洪武九年

始立每歲清明中元日孟冬朔三祭致祭之日迎

城隍神於壇正中祭用羊一豕一設無祀鬼神位

於壇下左右用羊二豕二米飯香燭酒紙冥衣等

項 祭文 見洪武禮制

里社壇 在各里凡七所明洪武九年建壇皆北

向祭用春秋仲月上戊日

鄉厲壇 在各里凡七所明洪武九年建壇皆南

松溪縣志

卷之四

禮典志

三

向祭用清明中元孟冬朔日

旗纛壇 在演武所祭日春用鶯螿秋用霜降祭

品用牛一豕四

祠廟

城隍廟 在縣西明洪武元年知縣常欽祖所建

嘉靖丙申知縣黃金縣丞鄭廷綬主簿何洵重葺

廟宇五間其門房邑人李顯珉等助建有記入藝

文志

按神自明洪武二年封顯佑伯令有司春秋合

祭於山川壇及祭厲壇則迎神以主之
國朝悉仍其舊

一凡縣官到任必先詣廟設祭以誓祭儀悉遵
禮制

湛盧山上祠 在東關里宋元符二年己卯歲大
旱縣令周公才禱於山而甘雨隨至建祠祀之
文公祠 在縣治之東南祭用春秋二仲月上丁
日以蔡黃真劉配享舊祠在縣治之西南元至正
十六年行省叅政阮德柔建揭泐作記見藝文志
松溪縣志

卷之四

祀典志

四

後經數遷至

國朝順治間知縣高光國重建今所一在湛盧山名
下祠卽書院有祀田付儒學掌管春秋擇日往祭
真文忠公祠 在縣治北祭用春秋二仲月次丁
日一在南岡詳見陳嘉謀謙士觀祠記皆載藝文
志

全城祠 在縣治之南石壁庵前祀明侍御史劉
公廷篋公江西安福人蓋因松邑舊無城弘治己
酉粗立基址嘉靖丙戌抗寇犯境民受其害劉公

巡按全閩行縣責成知縣閔魯委崇安縣丞袁大
純督理民義用石甃砌民始有所恃以捍守於是
建祠於此申文報功蒙准有司春秋舉祀事詳廣
東監軍副使建安陳烈祠記載入藝文

永庇祠 在北門內之左祀明禦倭死義士嘉靖
四十一年倭寇侵犯松境攻圍四十餘日孤城無
恙皆死綏之士張德等之功也有司覈議凡禦敵
有功者具載紀功冊申請院道次第受賞惟是捐
軀屢戰亡於陣者請立祠血食先是祠於邑厲壇

名曰義勇祠以知縣王賓爲神主縣丞陳文明主
簿鄧錫典史區亮同祀中龕以張德育成葉朴楊
三范隆曹珊程叙范暹葉洪潘廷偉范廖清何芳
嚴孟進楊孫卽劉清蔡逢全黃升陶馬惠機夏長
范受安魏抗馬欽夏二葉銓潘奴金三江勝董烏
三范可久金汶游好鄒榮呂胡琳曹璘范安等三
十五人皆死功最著者列於左右配饗其餘爲流
殫所中而死者若連三楊周龔尚葉胡仔陳謙嚴
惠賜徐中秋范鳴鳳曹惠安何于鄭佛成江有

陳宗范進黃神范長翼廣陳五邵仁德虞三
即黃旺二楊寬三李受陳賜王田慶吳孟黃胡范
奴游明業招陳蠻嚴惠潭楊管五范添貴陳杞聽
金游松王章陳仙琳蔡榮張四嚴三金五吳惠季
騰張厚程宣范佛招王福五十人皆從祀兩旁庶
幾忠魂可慰矣至如李仕清朱蓬毛二人與張德
同功幸未亡於陣閱數年而卒公舉入祠位次張
德之下又方明惠以弩爲長技賊將入境卽伏弩
殲其前鋒而挫其氣功卽次於朱蓬毛之後今旣

松溪縣志

卷之四

祀典志

六

卒矣亦公舉入祠報功之論稍定萬曆丁酉推官
許公時謙採訪羣議謂當時督理兵務經畫籌畫
生員陳椿之力居多後以言忤當事坐革去功恐
兩未白宜闡而祀之 又謂張德諸人義士也非
厲也不宜祀於厲壇因改建今祠命曰永庇萬曆
癸酉郭公子章以節推署縣事有傳鐫于石

土地祠 在縣廨東春秋上戊日致祭

已上祠廟祀典所列詳加考訂開載始末餘則
附記於後

東嶽廟 在縣東門外元時建後罹兵燹明宣德丙午重建嘉靖壬戌又燬于倭萬曆間復建

國朝康熙三年遊擊李國棟率營弁重整後宮

漢壽亭侯廟 在城南明嘉靖三十四年建萬曆

三十三年楊賢及等重建後宮歲久傾塌

國朝康熙三十六年監生范鶴年僧照圓等募貲修

葺一在黃鵠磯一在北門外

吳南部都尉陸公廟 在縣東北五里東平鄉卽

濟美廟舊名東平威靈王神本姑蘇人姓陸名宏

松溪縣志

卷之四

祀典志

七

仕吳爲南部都尉是時閩地皆其所屬有惠利於民故民爲之立祠唐建中二年公之裔孫長源刺建州葺公祠宇宋宣和紹興間寇盜攻圍多著靈異隆興二年賜額濟美後累封濟美莊祐福惠王妻封王妃縣治前興賢坊亦有行祠元至元二十一年建

按吳史陸績傳云長子宏爲會稽南部都尉而前郡志謂宏仕吳爲中書侍郎會稽南部育民校尉記載不同當以吳史爲正

唐東平王廟 在縣東一里明正統三年邑人夙希達建祀唐御史中丞張公巡舊廟久廢今移像于東嶽宮之右

唐余將軍廟 在皈伏里舊縣之側舊志云神姓余名汝程字千里邵武人唐咸通中知松源鎮屢與吳戰爭小梅關卒於鎮民懷其德立廟祀焉

周諫議大夫吳公祠 在縣東關里遂應塲之西北宋天聖四年建元延祐間重建舊志云神姓吳相傳名十七卽處州慶元人或云五代仕周爲諫

議大夫歸居於此開闢田野募民耕種旣沒鄉人思之爲之立祠今遂應塲吳姓皆其後也

宋英護廟 在東關里遂應塲舊志云神姓林名癸宋隆興二年任崇安巡檢措置遂應塲卒于官民爲立廟慶元二年賜額咸淳元年封忠翊舍人顯聖廟 在縣南直街舊志云神姓吳名大辨宋初爲武尉沒於王事紹興間縣令林敏元建廟於使華之館祀之扁曰顯聖

五顯祠 在縣治東隅元至正間邑人李成甫

明祀典所載居十廟之一卽靈順祠

明二先生祠 在學宮黌門之右祀張陳二先生
張先生浩廣東順德人任松溪教諭萬曆丙子遷
建今學有功名教陳先生以躍江西泰和人由舉
人署建安學事萬曆壬辰奉委署松溪篆廉平豁
達有丰裁松傲俗多以人命圖賴先生至奸刁不
得售而民帖然到于今猶受其賜士民懷二先生
之政教故並祠焉

湛公祠 在平政橋東祀知縣湛公士觀公江西

松溪縣志

卷之四

祀典志

九

高安人由舉人知縣事政尚寬和又常捐俸倡建
平政橋松民于是就橋之東立祠祀之

棠蔭祠 在北門外祀知縣華公士嶠公浙江烏
程人由進士初任松溪政教兼施民歌之曰民好
好之民惡惡之爲民父母宜祀于斯有華棠遺詠
刊行侯調樵川之建寧民遂建此祠

德政祠 在城西迎恩橋左祀知縣劉公一燦公
任縣時造萬曆己酉洪水衝城頽圮過半日戒不
虞捐俸倡修民不爲勞歌之曰甕無粟庖無肉墉

屹屹伊誰築遂相與謀爲禦灾捍患之報劉公正色拒之民泣而進曰松之城向築于劉侍御已饗俎豆矣今日之修寧異昔日之築乎辛亥八月卜祠祀之

徐公祠 在西門外祀知縣徐公景麟祠廢址存

閔公祠 在西門外祀知縣閔公及申祠廢址存

徐公祠 在西門下確祀知縣徐之垣祠廢址存

錢公祠 在溪南渡頭祀知縣錢作賓祠廢址存

以上祠廟或係民間祀奉或云前代勅封皆非

松溪縣志

卷之四

祀典志

十

國祀所膺事在年遠流傳亦併附錄以備鄉人之敬至淫祠之無據者一概從撤

丘墓

陸宏墓 在皈伏里濟美廟後

陳寵墓 在縣治西南隅近城邊有碑刻大唐儀

鳳二年刺史陳寵墓今無存

王審知母墓 在慶原里土名下田有龜山相傳

王審知墓於此山下平洋可屯兵馬數萬至今有大校場小校場之號

皇妃墓 在杉溪里訛傳在柳際寺後今查非也
際乃留祭也宋祥興元年葬妃於本山卽于山下
建一寺置寺租若干以供妃祭因扁其寺曰留祭
俗以音之訛也遂易其名今寺并田俱廢嘉靖間
尚有墓碑刻大宋皇妃夙氏墓男帝昱立今無存
吳元吉墓 在東關里妙峰山中心嶺宋御史吳
元吉葬此天聖二年有碑今無存

吳執中墓 在東關里後窠山

陳戩墓 在縣治後棗嶺山

松溪縣志

卷之四

祀典志

十一

李扶墓 在飯伏里後洋砂坵坪

葉景仁墓 在遂應塲翁村舊志云以上吳陳李

葉四墓明嘉靖間俱奉察院白公案查申報

魏濬墓 在東嶽廟左

真憲時墓 在登雲橋右

古大墓 在錢園村舊有五處皆用大石板其旁
有繫馬椿規式似大墓也不知何代何氏其碑無
存

義阡

暴露頻年停喪數世天陰鬼哭終古同悲此漏澤
所以名園掩骼行於聖世義旰之設誠有合乎先
王之遺意也松邑僻處深山水沙環結游魂得此
鬼有所歸矣

一在縣治北棗嶺左

一在縣治河東臨水宮右

一在東門外

一在陳源村地名梅子林